


“Cadushi di Deseo” di Lara Kuiperi a keda entrega na Biblioteca Nacional durante acto di reapertura

ORANJESTAD – E artista Lara Kuiperi a entrega biblioteca su obra di arte ‘Cadushi di deseo’ diadomingo ultimo durante acto di biblioteca su Reapertura oficial na George Madurostraat. Lara Kuiperi ta un artista di e generacion hoben cu rapidamente ta logrando reconocimiento nacional. Lara ta bin di un famia artistico y a keda introduci na e proceso creativo desde un edad hopi hoben, explorando arte visual, musica y baile. Su esfuersonan continuo den diseño di arte visual a resulta den varios premiacion nacional como internacional. Cu su edad di 27 aña su experiencia di trabou ta inclui proyectonan di arte internacional y galerianan di arte, ilustracion pa buki y diseño di moda, diseño grafico y fotografia,

y media como productor. Despues di a caba su educacion general, Lara a cuminsa su educacion profesional na Hulanda, actualmente finalizando su Bachelor of Fine Arts Education. Trankera di Arte ta un proyecto di Arte Publico di Aruba International Arts Foundation. Durante e aña di celebracion di 25 Aña Status Aparte, AIAF a invita 25 artista local pa crea un obra di arte den forma di cadushi. E proyecto aki tabata hopi exitoso y a keda inaugura durante bishita di Famia Real na Linear Park na november 2011. Despues di esaki cu sosten di Unoca tabatin varios otro exposicion di Trankera di Arte na Aruba. Un di e artistanan visual invita ta Lara Kuiperi. Y awo biblioteca tin su cadushi. □



Un bista di cerca di e “Cadushi di Deseo” di Lara Kuiperi.



“E Cadushi di Deseo” crea pa Lara Kuiperi, a keda entrega na Biblioteca Nacional durante su reapertura diadomingo ultimo.